

اوقات عمومی خبری

هفته‌لق سیاسی ، ادبی ، علمی غزته‌در

جلد : ۳

سنه : ۲ ۷ شعبان ۱۳۳۶ جمعه ایرتسی ۱۸ مایس ۱۹۱۸ نومرو ۳۷ — ۶۸

امصال فکر

عرق و ملت

دنیاك هان هر یرنده — الك آاز ایتالیا ده ، اوندن دها آاز یونانستانده — یهودی وار .
بونلرك تابعیتلری کی لسانلری ده آیریدر . یوکسك یهودی طبقه‌لری ، سچیة اصلیه‌لری
اولان عملیته خلل کلمه‌ك اوزره سا کن اولدقلری مملکتلرك یوکسك طبقه‌لرینی کندیله‌رینه
اورنك اتخاذا ایتشلر ؛ اونلرك کی اولمشلردر .

بونك ایکی مستثناسی واردر : روسیه‌ده کیلر و بزده کیلر . روسیه‌ده کیلرك اکثریتی ،
(آشکه‌نازیم) موسویلری ، بوزوق و (ییدیش ژارغونی) دنیلن بر آلمانجه ایله متکلمدرلر .
بزده کیلرك اکثریتی (سه‌فارادیم) بنی اسرائیلی بوزوق و (اسپانیول ژارغونی) دنیلن بر
اسپانیولجه ایله متکلمدرلر . بونلرك اقل‌قلیلی ترکلمکه تمثیل ایتمشدر . لکن ، فطرت اصلیه‌لری
مختل اولامشدر .

بومطالعاتی نیچون درمیان ایدیورز ، بیلمیسکز ؟ یهودیلر — ناسیون — مقابلی بر
« ملت » تشکیل ایتزلر . هر یرك یهودیسی ، مه‌ما ممکن ، اویرده سا کن ملت اعضاسندندر .
یهودیلرك هیئت مجموعه‌سی بر « دین » و بر « عرق » تشکیل ایدر . بر آمریکا یهودیسی ایله

ایمپراطور (نهر) نك عهد استبدادنده روماللق نظریه سی زور بازو ایله بتون عالمه
 نشر و اشاعه ایدیلیرکن ، (قاتاقونب) لرك ایچنده کیزی ، رطوبتلی مجهول مغاره لرده ،
 جسمانیات علمنده ، جسمانیاتی ، روما ایمپراطورلغنی ییقه جق بین الملل ، فوق الملل نصرانیت
 جریان کارنده موفق اولمش و وفاتندن برآز صوکره ، (پاولوس) کیسه نك قیلینه
 طوقونه مدیخی قیصرلکی ییقمشدر .

آمان ، بوکی معظمت وعضلاتده یکجهت دوشونمك نه فنا شیدر ! نظریه ، نه آلم
 عاقبتلری استلزام ایدر !

بشکطاش ۱۲ مایس ۱۹۱۸

مهرل نوری

هکبه لی آداده

ای چام لیانی ، ای دله مرسای سعادت !

ای لانه سبزین فسونکار محبت !

اظلال لطیفه کده کچن برقیصه جق دم

عالمده بنی ایلدی صوک مرتبه خرم

ای ییلرک آلتنده اکمش ، قوجامش چام !

سایه کده سنك ایتدك اودلدار ایله آرام

اوتلراوزرنده اوزانوب یار کولرکن

کل روینه کوز یاشلری دوکمکده ایدم بن

محرور دلی لطفنه غرق ایلر ایکن یار

حیفا بوکونی ایتدی سیه چرخ ستمکار

ای چام ؛ بوکوزل خاطره ذوقی صاقلا !

عالمده بنم بو بریجك شوقی صاقلا !

مصطفی رشید